

Protocol no. 106
Sezzüda da lündeschdi, 4 lügl 2011, 20.00 – 21.45

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Claudia Luppi (protocol)

Protocol

Il protocol no. 105 da la sezzüda dals 27 gën 2011 vain approvà.

924 021 FABRICA
Men Benderer – Renovaziun chamonna – God Nair

Sün dumonda da sar Men decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda fatta buna ed acclusa al permiss.
2. Il permiss no. 2011-0405 dal Chantun (BAB) es part integrala da quist decret.
3. Taxa da trattamaint da fr. 200.--.
4. Il quint dal Chantun per la procedura da BAB importa fr. 846.--.

925 021 FABRICA
Jon Lansel – Müdamaint d'adöver da la stalla – Palüzot

Il Cussagl cumünal decida d'inviar al Chantun (BAB) la dumonda da sar Jon per müdar l'adöver da la stalla in ün magazin in sen positiv.

926 620 VIAS E PLAZZAS
Maria Davaz – Brunch dals 1. avuost 2011 davant Chasa Veglia

Il Cussagl cumünal decida d'aderir a la dumonda da duonna Maria e da dar il permiss per douvrar per quel scopo las piazzas da parcar davant la Chasa Veglia e davant la chasa cumünala.

Il Cumün inchascha üna taxa da trattamaint da fr. 50.--

927 020.318.06 Plan da finanzas
Plan da finanzas – Credit fr. 5'200.--

Il Cussagl cumünal decida da surdar l'incumbenza a la Lischana Fiduziari SA, Scuol, da far ün plan da finanzas da 5 ons pel predschesch offri da fr. 5'200.--. In quist' offerta nu sun però integrats ils müdamaints annuals.

928 810.501.30 Protecziun da lavinas Sinestra
Nouva via d'access per l'hotel Val Sinestra

L'uffizi per natüra ed ambiaint (ANU) pretenda, cun sustegn da l'uffizi da god, da renatüralisar la via dal Berghaus fin sü pro l'hotel Val Sinestra sco recumpenza per la realisaziun d'ün nouv access direct pro l'hotel. Tenor las retscherchas fattas dal Cussagl cumünal es la via in possess privat ed implü as rechatta aint illa via la chanelisaziun, uschè ch'üna renatüralisaziun da la via nu vain pel Cussagl cumünal in dumonda. I sarà da trattar inavant la chosa.

929 942.423.05 Fits per terrains cumünals
Dumonda per tour a fit ün toc terrain cumünal aint a Tuols

Sar Erich Schweizer fa la dumonda da pudair tour a fit ün toc terrain public sper sia remissa per depositar laina. I's tratta dal toc tanter la tabla da parcar e sia remissa cun üna largezza da ca. 4m.

Il Cussagl cumünal decida d'aderir a seis giavüsches e da dar a fit il toc terrain manzunà per ün fit annual da fr. 100.--.

Il Cumün inchascha üna taxa da trattamaint da fr. 50.—

930 720.501 720 ALLONTANAMAIN D'IMMUNDIZCHAS
Cameras da surveglianza

Causa cha las reglas per depositar immundizchas illas deponias nun vegnan per part resguardadas, decida il Cussagl cumünal da trar aint offertas per cameras da surveglianza.

931 012 EXECUTIVA
Elecciuns da las autoritats cumünalas

In vista a las elecciuns da las autoritats cumünalas pel trienni 2012-2014 decida il Cussagl cumünal da publicar in fuorma d'üna comunicaziun illa chaista naira ils noms da quellas personas chi as mettan a disposiziun per üna reelecziun pel prossem trienni.

932 21 SCOULA PUBLICA
Valütaziun da la scoula da Sent

La schefa da scoula orientescha cha la valütaziun da la scoula da Sent muossa ün resultat fich allegraivel e cha la scoula ed ils magisters sajan tenor quista valütaziun sülla dretta via.

933 Orientaziuns
Fusiuns da cumüns

Il capo orientescha cha'ls capos dals cumüns da Scuol, Sent, Ftan e Tarasp hajan decis da trar aint offertas per elavurar ün proget da fusiun. Invidats vegnan büros spezialisats sün quel sector.

L'actuara :